

Мартгдшго өдр

1919 джил, XI-ч цергин полит-отдел намаг Москвагъур хойр сара курст илгälä. Свердловин нертä Коммунистическ университетд эн курс гарсмн. Энүнд Владимир Ильич Лениниг үзх, терүнä келсн үг сонъсх хүв нанд учрсмн. Ленин гисн нерн күн болгънд энъкр, дота, терүг нүдärн үзсн күүнд Ленинä дүр нег үлү сäänär, мартгдшгогъар тодлгдна.

1919 джилин октябрин 24-д курсан төгскäдж, фронтур йовцхаджах негдгч баг курсантрла Владимир Ильич харгъхмн гидж мана университетин ректор зарлв.

Университетин ик залд курсантр, студентр болн преподавательмүд дүүрдж, Лениниг күлäцхäv.

Асхн зургъан часла кöшг секгдäд, Владимир Ильич, Надежда Константиновна, Емельян Ярославский гурвн президиумд ирдж сууцлав.

Политическ кöдлächрин курс төгскäгъäd фронтур йовджах улст нерäддж келсн Владимир Ильичин үгиг бидн берк гидг ик оньган öгч сонъсцхавдн. Эн өдр нанд цур мартгдш уга, тер мини хүв бääсмн.

Болв, Лениниг хойрдад үзх хүв нанд бас учрв. 1919 джилин декабрин 5-д Цуг Äрäsän Советмүдин VII-ч хургт би Ильичиг бас үзүв. Шин токтсн мана Советск республикд ик äämшг учрсн, күнд цаг билä.

Государственн ик театр делегатнрар болн гиичнрär дүүрнъ. Хургин президиумд Михаил Иванович Калинин болн нань чигн үүрмүд сууцхала. Äмтн цугтан Лениниг ордж ирхиг күлälддж, менрдж сууцхана. Үүд секäд, Ленин орад ирхлä, делегатнр цуг зерг босцхадж:

— Ура! Үр Ленин менд болтха! — гидж йөрäцхäv.

Нарт делкән бääдлин тускар Ленин доклад кев. Хойр часин туршарт бидн тиигхд Лениниг оньган öгч сонъсвдн.

Хург кöдлмшän төгскäхлä би Южни фронтур, 10-ч цергт, Хальмгин революционн мөртä цергин 1-ч полкд ирвв. Эн полкин командирмүднъ Хартн Бадиевич Кануков болн Василий Алексеевич Хомутников бääсмн. Намаг полкин комиссарт шиидлä. Хургин шиидврн тускар, Ленинä тускар цергчнрт цäälгъдж келдж öгүв.

С. Г. Манджиев,
гражданск дäänä
улан гвардейц.